庫全書

子部

とううこう 臺令史下筆不能自休夫人善於自見而文非一體鮮 仲之間耳而固小之與弟超書曰武仲以能屬文為蘭 欽定四庫全書 魏丈帝典論 經濟類編卷五十四 文 學 類 論文三十二則 文人相輕自古而然傳毅之於班固伯 超消频站 明 馮琦馮瑗

匹也如祭之初征登樓槐賦征思幹之左猿漏巵圓扇 **陵陳琳孔璋山陽王祭仲宣北海徐幹偉長陳留阮瑞** 斯累而作論文王粲長於辭賦徐幹時有齊氣然祭之 馳以此相服亦良難矣蓋君子審已以度人故能免於 所遣於辭無所假咸以自騁驥騄於千里仰齊足而並 **元瑜汝南應賜徳璉東平劉楨公幹斯七子者於學與** 之千金斯不自見之患也今之丈人魯國孔融文舉廣 能備善是以各以所長相輕所短里語曰家有弊帚享

多定匹库全書

殿及其所善楊班儒也常人貴遠賤近向聲背實又思 力强而致譬諸音樂曲度雖均節奏同檢至於引氣不 也唯通才能備其體文以氣為主氣之清濁有體不可 論宜理銘誄尚實詩賦欲麗此四科不同故能之者偏 閣於自見謂已為賢夫文本同而末異蓋奏議宜雅書 氣高妙有過人者然不能持論理不勝辭至於雜以朝 書記今之傷也應場和而不壯劉楨壯而不客孔融體 橘贼雖張蔡不遇也然於他文未能稱是琳瑞之章表 欠さり見いら 经消耗油

|富贵則流於逸樂遂管目前之務而遺千載之功日月 翰墨見意於篇籍不假良史之群不託飛馳之勢而聲 寸陰懼乎時之過已而人多不強力貧賤則憐於饑寒 名自傳於後故西伯幽而演易周旦顯而制禮不以隱 大業不朽之盛事年壽有時而盡榮樂止乎其身二者 必至之常期未若文章之無窮是以古之作者寄身於 齊巧拙有素雖在父兄不能以移子第盖文章經國之 約而弗務不以康樂而加思夫然則古人賤尺璧而重

多为四月月

卷五十四

PA. 7 ... 1.12.5 每至觴酌流行緣竹並奏酒酣耳熱仲而賦詩當此之 時忽然不白知樂也謂百年已分可長共相保何圖數 猶欺其遂况及過之思何可支雖書疏往返未足解其 也融等已近唯幹著論成一家言 與具質書 戲月易得别來行復四年三年不見東山 逝於上體貌衰於下忽然與萬物運化斯志士之大痛 勞結昔年疾疫親故多離其災徐陳應劉一時俱逝痛 可言邪昔日遊處行則連與止則接席何曾須臾相失

彬彬君子者矣著中論二十篇成一家之言辭義典雅 自立而偉長獨懷文抱質恬淡寡欲有箕山之志可謂 年之間零落略盡言之傷心煩撰其遺文都為一集觀 文對之孜淚既痛逝者行自念也孔璋章表殊健微為 足傳于後此子為不朽矣徳碑常斐然有述作之意其 翼壤可復道哉觀古今文人類不 馥細行鮮能以名節 其姓名已為鬼錄追思昔遊猶在心目而此諸子化為 才學足以著書美志不遂良可痛惜問者歷覧諸子之

金灰四月全書

表五十四

一紋於鍾期仲尼覆臨於子路痛知音之難遇傷門人之 DA. Jount Lian 時復類昔日已成老貓但未白頭耳光武有言年已三 年行已長大所懷萬端時有所處至通夜不瞑志意何 己不逮矣後生可畏來者難誣恐吾與足下不及見也 莫逮諸子但為未及古人亦自一時之偽也今之存者 一體弱不足起其文至於所善古人無以遠遇昔伯牙絶 繁富公幹有逸氣但未通耳其五言詩之善者妙絕時 人元瑜書記翩翩致足樂也仲宣獨自善於辭賦惜其 短渐频编

微行之游入有管絃之歡置酒樂飲賦詩稱壽自謂可 具質答魏太子牋 於文墨日月冉冉嚴不我與昔侍左右風坐眾賢出有 頃何以自妈頗復有所述造否東望於邑裁書叙心 努力年一週往何可攀援古人思東燭夜遊良有以也 十餘在兵中十歲所更非一吾德不及之年與之齊矣 見瞻觀何時易乎恐水不復得為昔日游也少壯真當 以犬羊之質服虎豹之文無衆星之明假日月之光動 奉讀手命追此處存思哀之隆形

多灾匹库全書

賢非其任也往者孝武之世文章為威若東方朔枚皐 若乃邊境有虞羣下鼎沸軍書輻至羽檄交馳於彼諸 惜其不遂可為痛切凡此數子於雅客侍從實其人也 とこうことに 司馬長卿稱疾避事以著書為務則徐生庶幾馬而今 事然皆不慎其身善謀於國卒以敗亡臣竊恥之至於 之徒不能持論即阮陳之儒也其难嚴助壽王與聞政 盡臣獨何德以堪久長陳徐劉應才學所著誠如來命 終始相保並騁材力效節明主何意數年之間死喪略 經濟頻純

會時邁齒或猶欲觸育奮首展其割裂之用也不勝惧 再遇威年一過實不可追臣幸得下愚之才值風雲之 百髪生鬢所慮日深實不復若平生之時也但欲保身 歸高遠近所以同聲也然年嚴若墜今質己四十二矣 典籍之場休息篇章之圃發言抗論窮理盡微搞藻下 筆鸞龍之文奮矣雖年齊蕭王才實百之此衆議所以 多定匹庫全書 物行不蹈有過之地以為知己之累耳游宴之歡難可 人逝已為異物矣後來君子實可畏也伏惟所天優游

掩之今悉集兹國矣然此數子猶復不能飛騫絕跡 自謂抱荆山之玉吾王於是設天網以該之頓八紘以 曹植與楊徳祖書 長擅名於青土公幹振藻於海隅徳璉發跡於北魏足 **悽以來命備悉故略陳至情** 少小好為文章迄至于今二十有五年矣然今世作者 下高視於上京當此之時人人自謂握靈虵之珠家家 可畧而言也昔仲宣獨步於漢南孔璋鷹揚於河朔偉 數日不見思子為勞想同之也僕

欽定匹庫全書 妄歎者畏後世之唯余也世人著述不能無病僕常好 論盛道僕讚其文夫鍾期不失聽于今稱之吾亦不能 舉千里也以孔璋之才不開於辭賦而猶自謂與司馬 者邪吾嘗歎此達言以為美談昔尼父之文辭與人通 卿何所疑難文之佳惡吾自得之後世誰相知定吾文 使僕潤飾之僕自以才不過若人辭不為也敬禮謂僕 長卿同風譬畫虎不成反為狗者也前有書嘲之反作 ,機彈其文有不善者應時改定昔丁敬禮當作小文

成池六並之發聚人所共樂而墨翟有非之之論豈可 之辨未若田氏今之仲連求之不難可無欺息乎人各 龍淵之利乃可以議於斷割劉季緒才不能速於作者 有好尚蘭茝蓀蕙之芳聚人所好而海畔有逐臭之夫 而好該訶文章持撫利病昔田巴毀五帝罪三王告五 病者吾未之見也盖有南威之容乃可以論於淑媛有 流至於制春秋游夏之徒乃不能措一辭過此而言不 霸於稷下一旦而服千人魯連一說使終身杜口劉生

成一家之言雖未能藏之於名山將以傳之於同好非 豈徒以翰墨為敷績辭賦為君子哉若吾志未果吾道 猶庶後戮力上國流惠下民建永世之業流金石之功 朝執戟之臣耳猶稱壯夫不為也吾雖薄德位為藩侯 赋小道固未足以揄揚大義彰示來世也昔揚子雲先 不行則將采底官之實錄辯時俗之得失定仁義之衷 有可米擊轅之歌有應風雅匹夫之思未易輕棄也辭

欽定四庫全書

同哉今徃僕少小所著辭賦一通相與夫街談巷說必

使少長貴盛體發旦之資有聖善之教遠近觀者徒謂 采風聲仰德不暇目周章於省覽何遑高視哉伏惟君 雖諷雅頌不復週此若仲宣之擅漢表陳氏之跨冀域 之隆使係仰之情深即損辱嘉命蔚矣其文誦讀反覆 徐劉之顯青豫應生之簽魏國斯皆然矣至於修者聽 也明早相迎書不盡懷 楊修答臨淄侯牋 要之皓首豈今日之論乎其言之不慙恃惠子之知我 修不侍數日若彌年載豈由爱顧

顧錫教使刊定春秋之成莫能损益呂氏准南字直千 見西施之容歸憎其貌者也伏想執事不知其然猥受 之仰望殆如此矣是以對鶡而辭作暑賦獨日而不獻 借書於手曾不斯須少留思慮仲尼日月無得踰馬修 此乎又當親見執事握贖持筆有所造作若成誦在心 者傾首而竦耳非夫體通性達受之自然其孰能至於 文章令乃含王超陳度越數子矣觀者駭視而拭目聽

一级定匹庫全書

能宣的懿徳光賛大業而已不復謂能兼覧傳記留思

|害哉輒受所惠竊脩矇瞍誦詠而巳敢忘惠施以忝莊 為未之思也若乃不忘經國之大美流千載之英聲銘 為皆有譽耶君侯忘聖賢之顯述述鄙宗之過言竊以 氏季緒環環何足以云及答造次不能宣備 也今之賦頌古詩之流不更孔公風雅無別耳修家子 功景鐘書名竹帛斯自雅量素所蓄也豈與文章相妨 雲老不晚事彊著||書悔其少作若比仲山周旦之儔 金弟子箝口市人拱手者賢聖卓榮固所以殊絕凡庸

聲則後須切響 | 簡之內音韻盡殊兩句之中輕重怒 謝去之彌遠大青鈞使宮羽相變低品好節若前有浮 而云此秘未想近於誣乎案范云不從根本中來尚書 異辭既美矣理又善馬但觀歷代衆賢似不都閣此處 **覩或闍與理合匪由思至張蔡曹王曾無先覺潘陸顏** 者不少從根本中來沈尚書亦云自靈均以來此秘未 能適輕重濟艱難古令文人多不全了斯處縱有會此

欽定匹庫全書

晋陸贩與沈約書

范詹事自序性别宫商識清濁特

清濁為言劉植奏書大明體勢之致岨峿妥帖之談操 豈如指其合理而寄誠詞為遺恨耶自魏文屬論深以 非盡美之作理可抵訶君子執其抵訶便謂合理為閣 言夫思有合離前哲同所不免文有開塞即事不得無 |范又云時有會此者尚書云或閣與理合則美詠清謳 之子建所以好人譏彈士衡所以遺恨終篇既曰遺恨 有解章調韻者雖有差謬亦有會合推此以往可得而 云匪由思至斯可謂揣情謬於玄黄擿句差其音律也

|為閣何獨誣其||合一了之明乎意者亦質文時異古 **都兹論為何所指邪故愚謂前英己早識宮徵但未屈** 曲指的若今論所申至於掩瑕藏疾合少謬多則臨淄 今好殊將急在情物而緩於章句情物文之所急美惡 病有悔為言則必自知無悔無病之地引其不了不合 則不知斯曹陸又稱竭情多悔不可力彊者今許以有 所云人之著述不能無病者也非知之而不改謂不改 末續顛之說與玄黃於律呂比五色之相宣苟此松末

|一 欽定四庫全書

言智無先覺也 宫商律吕必责其如一 於七步一人之思遲速天懸一家之丈工拙壤隔何獨 彌日不獻率意寡尤則事促乎一日翳翳愈伏而理賒 不累於憑虛王粲初征他文未能稱是楊修敏捷暑賦 二體之作孟坚精正詠史無虧於東主平子校富羽獵 猶且相半章句意之所緩故合少而謬多義兼於斯必 不知明矣長門上林殆非一家之賦洛神池鴈便成 **邪論者乃可言未窮其致不得**

農曲時發乎篇而無音累氣固亦多矣若夫平子艶發 王褒劉向楊班在蔡之徒異軌同奔遞相師祖雖清辭 既衰風流彌者屈平宋玉導清源於前實誼相如振芳 氣懷靈理無或異然則歌詠所興宜自生民始也周室 始攸繫升降謳謠紛披風什雖虞夏以前遺文不觀東 塵於後英辭潤金石高義薄雲天自茲以降情志愈廣 选用喜愠分情夫志動於中則歌詠外發六義所因四 沈約謝靈運傳論 民東天地之靈含五常之德剛柔

愛定四庫全書

卷五十四

特秀律異班賈體變曹王縟旨星稠繁文綺合綴平臺 同祖風騷徒以賞好異情故意製相詭降及元康潘陸 長於情理之說子建仲宣以氣質為體並標能擅美獨 之逸響采南皮之高韻遺風餘烈事極江右有晉中興 映當時是以一世之士各相慕習源其颳流所始莫不 百餘年辭人才子文體三變相如巧為形似之言二班 祖陳王咸蓄盛藻南以情緯物以文被質自漢至魏四 文以情變絕唱高蹤久無嗣響至于建安曹氏基命三 經濟類編

|決定四車全書 |

言夫五色相宣八音協暢由乎玄黄律呂各適物宜欲 使宮羽相變低昂好節若前有浮聲則後須切響一簡 垂範後昆若夫敷在論心商權前藻工拙之數如有可 騰聲靈運之與會標舉延年之體裁明客並方軌前秀 雲委莫不寄言上德託意玄珠道麗之辭無聞馬耳仲 文始革孫許之風叔源大變太玄之氣爰建宋氏顏謝 殫乎此自建武暨子義熈歷載將百雖比響聯解波屬 **玄風獨振為學窮於柱下博物止乎七篇 馳騁文辭義** |決定写車全書 || 待來哲 之彌遂世之知音者有以得之此言非謬如曰不然請 暗與理合匪由思至張蔡曹王曾無先覺潘陸頹謝去 詩史正以音律詢韻取高前式自靈均以來多歷年代 之篇子荆零雨之章正長朔風之句並直舉胷情非傍 文至於先士茂製銀高歷賞子建函京之作仲宣霸好 雖大體稍精而此於未覩至於高言妙句音韻天成皆 之内音韻盡殊兩句之中輕重悉異妙達此古始可言 經濟類組

聲氣乎風雷其超出萬物亦已靈矣形甚草木之脆名 實制作而已夫肖貌天地禀性五才擬耳目於日月方 |涓子琴心王孫巧心心哉美矣夫故用之馬古來文章 已也子齒在踰立當夜夢執丹漆之禮器隨仲尼而南 **踰金石之堅是以君子處世樹徳建言豈好辯哉不得** 以雕縟成體豈取賜與孝言雕龍也夫宇宙縣邀黎獻 劉彦和文心雕龍序 紛雜核萃出類智術而已嚴月飄忽性靈不拘騰聲飛 夫文心者言為文之用心也昔 卷五十四

臣所以炳焕軍國所以昭明詳其本源莫非經典而去 鞶帆離本彌甚將遂訛濫盖周書陳辭貴乎體要尼父 聖久遠文體解散解人爱奇言貴浮詭飾奶尚重文編 章之用實經典枝條五禮資之以成六典因之致用君 陳訓惡乎異端解訓之異宜於體要於是獨筆和墨乃 註經而馬鄭諸儒宏之已精就有深解未足立家唯文 垂夢歟自生人以來未有如夫子者也敷讚聖吉莫若

行旦而寤廼怡然而喜大哉聖人之難見也廼小子之

文意往往間出並未能振葉以尋根觀瀾而索源不述 先哲之誥無益後生之處蓋文心之作也本乎道師乎 翰林淺而寮要又君山公幹之徒吉甫士龍之革汎議 而無當應論華而疎畧陸賦巧而碎亂流別精而少功 舉雅俗之古或撮題篇章之意魏典客而不周陳書辯 **隙鮮觀衢路或臧否當時之才或銓品前修之文或汎** 始論文詳觀近代之論文者多矣至如魏文述典陳思 序書應踢文論陸機文賦仲治流別宏範翰林各照隅

一欽定匹庫全書

龍圈條貫攜神性圖風勢芭會通閱聲字崇替於時序 難雖或輕采毛髮深極骨髓或有曲意客源似近而遠 為文用四十九篇而已夫銓叙一丈為易彌綸羣言為 **羣篇下篇以下毛目顯矣位理定名彰乎大易之數其** 褒贬於才略怊悵於知音耿介於程器長懷序志以馭 定篇敷理以舉統上篇以上綱領明矣至於割情析 文叙筆則囿別區分原始以表末釋名以章義選文以 聖體乎經酌乎緯變乎騷文之樞組亦云極矣若乃論 ういっこう 型青頭施

盡意聖人所難識在餅管何能矩矱茫茫往代既洗予 書奏號稱七行俱下每有禎祥及幸讌集輛陳詩展義 白不可同也同之與異不屑古今學肌分理唯務折衷 梁裴子野雕蟲論 聞眇眇來世價塵彼觀 按轡文雅之場而環絡藻繪之府亦幾乎備矣但言不 非雷同也勢自不可異也有異乎前論者非苟異也理 宋明帝博好文章才思朗提常讀

安定
庫全書

辭所不載亦不勝數矣及其品評成文有同乎舊談者

指歸而無執賦詩歌頌百帙五車蔡應等之俳優揚雄 為之祖靡漫客與相如扣其音由是隨聲逐影之傳棄 作者思存枝葉繁華蘊藻用以自通若悱則芳菲楚騷 形四方之風且彰君子之志勸美懲惡王化本馬後之 矣梁鴻臚柳聚子野論曰古者四始六藝總而為詩既 1. 5... /... 悔為童子聖人不作雅鄭誰分其五言為家則蘇李自 以應詔馬於是天下向風人自藻飾雕蟲之藝盛於時 且以命朝臣其戎士武夫則託請不服因於課限或買

無被於管紅非止乎禮義深心主卉木遠致極風雲其 風也若季子聆音則非興國鯉也趨室必有不敢首鄉 興浮其志弱巧而不要隐而不深討其宗途亦有宋之 者以博依為急務調章句為專魯淫文破典災爾為功 代實好斯文高才逸韻頗謝前哲波流相尚滋有篤馬 箴編鞶悅無取廟堂宋初迄於元壽多為經史大明之 自是問閻少年贵游總角罔不擯落六螯吟咏情性學 出曹劉偉其風力潘陸固其枝葉爰及江左稱彼顏謝

一 銀定四庫全書

主饗太廟春命尚書領著作蘇綽作大誥宣示羣臣戒 晉氏以來文章競為浮華魏丞相宇文恭欲華其於 見應對明敏辭義可觀意更釋然因問經史及釋教搞 以政事仍命自今文章皆依此體 商較從橫應對如響武帝甚加歎異寵遇日隆 梁太子以侍請徐搞為家令兼管記搞文體輕麗春拉 盡學之時人謂之宮體武帝聞之怒召摛欲加詢责及 有言亂代之徵文章匿而采斯豈近之乎

然降及後代風教漸薄魏之三祖更向文詞忽君人之 制蒜鐫銘皆以褒徳序賢明勲証理茍非懲勸義不徒 復孝慈人知禮讓正俗調風莫大於此其有上書獻賦 **火變其視聽防其嘴慾塞其邪放之心導以淳和之路** 隋李锷上高祖華文華書 **成風俗江左齊梁其弊彌甚貴賤賢愚唯務吟詠遂復** 大道好雕蟲之小藝下民從上有同影響爭騁文華記 五教六行為訓民之本詩書禮易為道義之門故能家 臣聞古先哲王之化民也

一级定四庫全書

一舜禹之典伊傅周孔之説不復關心何 曾入耳以做 誕 Art Charles And and 為用也捐本逐末流遍天壤遙相師祖久而逾扇及皇 故文筆日繁其政日亂良由棄大聖之軌模構無用以 是間里童昏贵遊總丱未窺六甲先製五言至如義皇 **贖不出月露之形積案盈廂唯是風雲之状世俗以此** 為清虚以緣情為勲業指儒素為古拙用詞賦為君子 相高朝廷據茲取士祿利之路既開爱向之情愈寫於 经清新品

遺理存異尋虚逐微競一韻之奇爭一字之巧連篇累

鑽仰墳索棄絕華綺擇先王之令典行大道於兹世 其學不稽古逐俗隨時作輕薄之篇章結朋黨而求舉 聞外州遠縣仍踵弊風選吏舉人未遵典則宗族稱孝 文表華艷付所司治罪自是公鄉大臣咸知正路莫不 隋受命聖道聿興屏點輕浮遏止華偽自非懷經抱質 志道依仁不得引預縉紳參剛纓冕開皇四年普詔天 下公私文翰並宜實錄其年九月泗州刺史司馬勿之 里稱仁學必典謨交不苟合則檳落私門不加收齒

金火江屋人門

挂網者多請勒有司普加搜訪有如此者具狀送臺 舉朝莫晚其故及奏第太宗怪無二人名詰之師 旦對 曰二人雖有辭華然其體輕薄終不成今器若置之高 皆善屬文名振京師考功員外郎王師旦知貢舉點之 爱其文命於通事舍人裹供奉初昌齡與進士王公謹 私情不存公道臣既添憲司職當糾察若聞風即劾恐 則選充吏職舉送天朝盖由縣今刺史未行風教猶挾 唐太宗幸翠微宫冀州進士張昌齡獻翠微宫頌太京 大大のお人たいの 抵所疑論

之士皆捨徳行而超文藝有朝登甲科而夕陷刑辟者 皆書之足為不朽若其無益集之何用梁武帝父子陳 第恐後進效之傷陛下雅道太宗善其言 雖日誦萬言何關理體文成七歩未足化人况盡心卉 後主隋煬帝皆有文章何教於亡人主患無徳政文章 何為遂不許 **濔宗時劉晚上疏禮部取士專用文章為甲乙故天下** 軍臣請集太宗文章太宗曰朕之辭今有益於民者史

金グログノンマ

卷五十四

詩不免止國陛下何取馬覃篤于經術上甚重之上嘗 N. M. M. Lilia 因事為文令人以文言事上與宰相論詩鄭章曰詩之 文宗與宰相語患四方表奏華而不典李石對曰古人 為先文藝為末則多士雷奔四方風動矣 以觀風俗耳不聞王者為詩也陳後主隋煬帝皆工於 工者無若三百篇皆國人作之以刺美時政王者采之 名如水超下上有所好下必甚馬陛下若取士以德行 **水之間極筆烟霞之際以斯成俗豈非大謬夫人之墓** 翅科類編

多定四库全書 道六卿分職九流異趣百揆同歸此官司之文也寬則 經而地紀有聖作則實為人文若乃夫以剛克妻以柔 以義事君予違汝弼獻可替否此朝廷之文也三公論 立父慈而教子孝而箴此室家之文也君以仁使臣臣 其言盖有之矣未有明其義者也嘗試論之夫一二相 呂温人文化成論 易曰觀乎人文以化成天下能諷 欲置詩學士李珏曰詩人浮薄無益于理乃止 生大鈞造物百化交錯六氯節宣或陰闔而陽開或天 卷五十四

之義其在兹乎而近代豁諛之臣將以時君不能則象 綜庶績藻繪人情如成文馬以致其理然則人文化成 A. TO THE REALIN 儀以求至理坐吟詠而侍升平流蕩因循闇而未悟不 翰墨為人文也遂使君人者浩然忘本沛然自得盛威 乾坤祖述尭舜作化成天下之文乃以祈常晃服章句 以樂與時消息因俗變通此教化之文也文者盖言錯 **寬此刑政之文也樂勝則流過之以禮禮勝則離和之** 慢斜之以猛猛則人殘施之以寬寬以濟猛猛以濟 医療機能

其間乎 名義研之以情實既如彼較之以今古質之以成敗又 则文之時義大矣哉馬可以名數末流雕蟲小伎別雜 靡洋溢編簡可曰文思安安矣何滅亡之速也數之以 其痛敏必以旂常冕服為人文則秦漢魏晋聲名文物 如此傳不云乎經緯天地曰文禮不云乎文王以文治 多也必以章句翰墨為人文則陳後主隋煬帝雍容綺 禮縟五帝儀繁三王可曰煥乎其有文章矣何衰亂之

動灰四周分言

卷五十四

從之儉非茅茨土簋之陋也盖達其誠信安其君親而 恩文則看看則不遜不遜則詐其行也痼瘠天下許極 己質則儉儉則固固則愚其行也豐肥天下愚極則無 禮謂易知易從之禮非酬酢楊襲之煩也儉謂易知易 暴下無從亂記曰國看則示之以儉國儉則示之以禮 A/1.10.~ 611.5 之以文文弊則復之以質不待其極而變之故上無從 王質文相變以濟天下易知易從莫尚乎質質弊則佐 經濟類院

李華質文論

天地之道易簡易則易知簡則易從先

| 多定四库全書 而飾之拙者眩而失守誠偽無由明天下浸為陂池珍 乎哉吉凶之儀刑賞之級繁矣使生人無適從巧者弄 前王之禮世滋百家之言世益欲人專一而不為詐難 也奢而後化之求固而不獲也利害遲速不其昭昭歟 許之病也無恩之病緩於賦亂之極也故曰莫尚乎奢 則賊亂故曰不侍其極而變之固而文之無害於訓 為洪荒雖神禹復生誰能救之夫君人者修德以治天 不遜而質之艱難於成俗若不化而遇則愚之病淺於 卷五十四

Ali la val listia 微腾措及武帝修三代之法而天下荒耗則文不如質 啟子禹孫當斯時有堯舜遺人親受禹之賜國為昇奪 明矣漢氏雖歷産禄呉楚之亂而宗室異姓同力合心 有謨訓何補哉漢高除秦項煩苛至孝文玄默仁儉斷 内則夏之六卿外則夏之四徴而羿浞愚弄關爭內外 下不在智不在功必也質而有制制而不煩而已太康 舉而安且漢德結於人心不如夏家諸呂具楚之强 以聽命至少康艱難而後復原由是觀之則聖 時間处死

官備數四時風祭車服盛飾至於下國方五十里鄉大 成王季年而後理唯康王垂拱图圖虚空建昭王南征 堪覲謁大何得不亂小何得不亡記云周之人强仁竅 夫士之多軍帥之衆大聘小聘朝覲會同地狹人寡不 辟兼虞夏商之典禮後王之法備矣太平之階厚矣至 大聖親則管祭為亂遠則徐奄並興四夷多難復子明 不返因是陵夷則郁郁之盛何為哉周法六官備職六 倍於羿浞安漢至易而復夏至難何也周德最深周公

可如定匹库全書

是可以淳風俗而不泥於坦明之路矣學者局於恒教 繁不可備舉者以省之考求簡易中於人心者以行 賞罰故曰殷周之道不勝其幹考前後而論之夏衰失 因循而不敢失於毫釐古人之說豈或盡善數骨肉之 百家之說識緯之書存而不用至於喪制之緣祭禮之 者也及藥石之方行于天下考試仕進者宜用之其餘 理始於學習經史左氏國語爾雅首孟等家輔佐五經 於質而無制周弱失於制而遇煩故也愚以為將求致

與其不遜也寧固傳曰以欲從人則可記曰大樂必易 成蹈五常享五福理必然也孔子言以約失之者解欠 久今以簡質易烦文而便之則晨命而夕周踰年而化 罪而褒叔向不恐聞之言而書昭伯敬龜筴之信而陳 大禮必簡顏子曰無施勞經義可據也如是為政者得 而易簡日用矣海内之廣億兆之多無聊於煩彌世曠 如哉其或曲書常言無裨世教不習可也則煩隤日亡 僂句使不仁之人萌芽贼心而仁義之士閉目掩卷何

欽定四庫全書

指是非坦然明白致時君易為省覽夫聰明喀哲之主 議及國朝元和以前名臣表疏詞尚簡要質勝于文直 偕於堯舜豈在乎屬文比事况人君以表疏為急者竊 唯忠孝仁羲而已苟不踰是所措自合於典謨所行自 非能一一與學深文研窮古訓且理國理家理身之道 表章之用下情可以上達得不重乎歷觀往代策文奏 牛希濟表章論 人君尊嚴臣下之言不可達于九重

無以為惑乎

欽定四庫全書 **幾免于深僻之弊夫僻事新對用以相誇非切于理道** 尚或棄之况萬乘之主萬機之大馬有三復之理國史 深僻使夫不喻且一郡一邑之政訟者之辭夢引數幅 略不為難故禮曰臣事君不援其所不及盖不可援引 以為稀况覽之茫然又不親近儒臣必使旁詢左右小 又杜甫嘗雪房琯表朝廷以為廋辭倘端明易晚必厥 以馬周建議不可以加一字不可以减一字得其簡要 人之寵用是為幸倘或改易文意以是為非逆鱗發怒 卷五十四

他人者耳然尚有似不相晚者非故欲發余乎不然何 损道徳乃至手筆以問之扱援古昔辭義高遠且觀足 所憫笑天下之所背而馳者也足下猶復以為可教貶 韓愈答崔立之書 者明儒尚且杼思移時豈守文之主可以速達竊願復 20. 15 ... / .. is **狽失其所操持困不知變以至辱於再三君子小人之** 師于古但真于理何以幽僻文煩為能也 下之於故舊之道得矣雖僕亦固望於吾子不敢望於 僕見險不能止動不得時顛頓狼 經濟類編

有以博學宏辭選者人尤謂之才且得美仕就求其術 者好惡出於其心四舉而後有成亦未即得仕聞吏部 者人多貴之僕誠樂之就求其術或出禮部所說詩賦 所親然後知仕之不惟為人耳及來京師見有舉進士 銀定四庫全書 策等以相示僕以為可無學而能因詣州縣求舉有司 六七時未知人事讀聖人之書以為人之仕者皆為人 子之不以丈夫期我也不能默默聊復自明僕始年十 耳非有利乎已也及至二十時苦家貧衣食不足謀於 卷五十四

之余亦無甚愧馬夫所謂博學者豈今之所謂者乎夫 書雖不得仕人或謂之能馬 退因自取所試讀之 類 馬乃復自疑以為所試與得之者不同其程度及得觀 欲有所成就書所謂耻過作非者也因復求舉亦為幸 於俳優者之辭顏忸怩而心不寧者數月既已為之則 或出所試文章亦禮部之類也私怪其故猶樂其名因 又詣州府求舉凡二試於吏部一既得之而又點於中 謂宏辭者豈今之所謂者乎設使古之豪傑之士若

とこうる

1:15

經濟類編

知今足下乃復比之獻玉者以為必俟工人之剖然後 吾之所樂於人耳其他可否自計已熟誠不待人而後 者其小得盖欲以具浆葛養窮孤也其大得盖欲以同 得失於一夫之目而為之憂樂哉故凡僕之汲汲於進 其道雖不顯於天下其自負如何哉肯與天斗筲者决 昧之中僕固知其辱馬然彼五子者且使生於今之世 多灰四库全書 輕乃不自進而已耳設使與夫今之善進取者競於蒙 屈原孟軻司馬遷相如楊雄之徒進於是選必知其懷

之若都不可得猶將耕於寬閒之野釣於寂寞之演求 俗尚有未及於古者邊境尚有被甲執兵者主上不得 嘗獻而足固未嘗別足下無為我戚戚也方今天下風 吾相薦之乎吾君上希卿大夫之位下猶取一障而來 怡而宰相以為愛僕雖不賢亦且潛完其得失致之乎 謂我必待此而後進者尤非相悉之辭也僕之王固未 下相勉之意厚也然仕進者豈固舍此而無門哉足下 知於天下雖兩別足而不為痛且無使助者再勉誠足

SALDRIGH MILLS

點漸換線

柳宗元讀毛顏傳後題 以為怪而吾久不克見楊子誨之來始持其書索而讀 有來南者時言韓愈為毛顏傳不能舉其辭而獨大笑 果誰哉再尅之刑信如何也士固伸於知己微足下無 家國之遺事考賢人哲士之終始作唐之一經垂之於 以發吾之狂言 無窮誅姦諛於既死發階德之幽光二者將必有一 足下以為僕之玉凡機獻而足凡幾別也又所謂勍者 自吾居夷不與中州人通書 可

金好四個有書

卷五十四

灑則罷憊而廢亂故有息馬游馬之説不學操緩不能 也故學者終日討説答問呻吟習復應對進退掬溜播 不為虐兮太史公書有滑稽列傳皆取乎有益於世者 骨而以為辭者之讀之也其大笑固宜且世人笑之也 怪於文也世之模擬窺竊取青妃白肥皮厚肉柔筋脆 Kr. Time Man 安絃有所拘者有所縱也太羹玄酒體節之薦味之至 不以其俳乎而俳叉非聖人之所棄者詩曰善戲謔兮 经消损编

之若捕龍蛇搏虎豹急與之角而力不敢暇信韓子之

一詞之功也韓子窮古書好斯文嘉詢之能盡其意故當 也且凡古今是非六藝百家大細穿穴用而不遇者毛 韓子之辭若壅大川馬其必決而放諸陸不可以不陳 者而又設以奇異小蟲水草櫨梨橘柚苦鹹酸辛雖蜇 而有所縱數盡六藝之奇味以足其口數而不若是則 到之支曾哲之羊棗然後盡天下之奇味以足於口獨 文異乎韓子之為也亦將弛馬而不為虔歟息馬游馬 吻裂鼻縮舌溢齒而咸有篤好之者文王之昌浦趙屈

金灰四周全書

卷五十四

答韋中立書 文章未嘗敢以輕心掉之懼其剽而不留也未嘗敢以 乎吾子好道而可吾文或者其於道不遠矣故吾每為 為能也凡吾所陳皆自謂近道而不知道之果近乎遠 其喙亦勞甚矣乎 知文者以明道是固不為炳炳琅琅務采色街聲音而 始吾幼且少為文章以辭為工及長乃 經濟頭編

是其言也固與異世者語而貪常嗜瑣者猶呫呫然動

而為之傳以發其鬱積而學者得之勵其有益於世歟

金灰四库全書 之莊老以肆其端恭之國語以博其趣恭之離縣以致 之原也祭之穀梁氏以厲其氣祭之荀孟以暢其支祭 本之書以求其質本之詩以求其恒本之禮以求其宜 本之春秋以求其斷本之易以求其動此吾所以取道 發之欲其清固而存之欲其重此吾所以羽翼夫道也 昧没而雜也未嘗敢以矜氣作之懼其偃蹇而驕也抑 之欲其與揚之欲其明疏之欲其通庶之欲其節激而 怠心易之懼其弛而不嚴也未嘗敢以昬氣出之懼其 基五十四

辱厚命况如朝者多病少學其能以此堪足下所望博 陳詞屈慮先我以書且曰余之藝及心不能棄于時將 大而深宏者邪雖然意盛不可以不答故敢略陳其所 下因而信之又過也果若來陳雖道備徒具且猶不足 求知者問誰則可皆告曰其李君乎告足下者週也足 李翶答進士梁載言書 足下不以翱早暖無所可乃

一之文也

其幽祭之太史以著其潔此吾所以旁推交通而以為

赫乎若日月包乎若天地掇章稱咏津潤怪麗六經之 詞也創意造言皆不相師故其讀春秋也如未當有詩 明長幼浹朋友六經之肯也浩乎若江海高乎若邱山 分矣此聞之於友者也列天地立君臣親父子别夫婦 以事而察其厚薄問之以謀而觀其智與不材賢不肖 於師者也相人之術有三矩之以利而審其邪正設之 聞盖行已莫如恭自責莫如厚接衆莫如宏用心莫如 直進使莫如勇受益莫如擇友好學莫如改過此聞之

多定四庫全書

均也如百品之雜馬其同者飽於腸也其味鹹酸苦辛 衡馬其同者高也其草木之榮不必均也如瀆有濟淮 原莊周也如未當有六經故義深則意遠意遠則理辯 語文章有六説馬其上異者則曰文章辭句奇險而己 河江馬其同者出源到海也其曲直淺深色黄白不必 其讀詩也如未嘗有易其讀易也如未嘗有書其讀屈 不处均也此因學而知者也此創意之大歸也天下之 理辯則氣厚氣厚則詞盛詞盛則丈工如山有恒華嵩 理有預論

|辭章不能工有之矣劉氏人物志王氏中說俗傳太公 |難此皆情有所偏滞而不流未識文章之所生也義不 文章必當對其病於是者則曰文章不當對其愛難者 其好理者則曰文章叙意苟通而已其溺於時者則曰 家教是也古之人能極於工而已不知其辭之對與否 有之矣劇春美新王褒僮約是也其理往往有是者而 必深不主於理言不必信不在於教勸而詞句怪麗者 則曰文章宜深不當易其爱易者則曰文章宜通不當

欽定匹庫全書

驚朕師詩曰苑彼桑柔其下侯旬捋采其劉瘼此下民 原宋玉孟軻呉起商鞅墨翟荀况韓非李斯賈誼枚乘 經之後百家之言與老聃列禦冠莊周田穰直孫武屈 知其方而稱說云云如前所陳者非吾之所敢 聞也六 畝之間兮桑者關關兮行與子旋兮此非難也學者不 此非易也書曰允恭克讓光被四表格于上下詩曰十 関既多受侮不少此非不對也書曰朕聖護說於行震 經濟頻號

易與難也詩曰憂心悄悄愠于羣小此非對也又曰遘

| 粲然則穀梁子言之矣曰攸爾則班固言之矣曰雖然 哂之狀曰莞爾則論語言之矣曰啞啞則易言之矣曰 質也質猶文也虎豹之韓猶犬羊之轉此之謂也陸機 後代能必傳也仲尼曰言之無文行之不遠子貢曰文猶 傳也文理義三者兼并乃能獨立乎一時而不泯滅於 所歸也故義雖深理雖當辭不工者不成為文且不能 曰怵他人之我先韓退之曰唯陳言之務去假令述笑 司馬遷相如劉向楊雄皆足以自成一家之文學者之

欽定匹庫全書

又曰若由也不得其死然是師之名門人驗也夫子於 禮古之人相接有等輕重有儀列於經傳皆可詳别如 悦古人之行者愛古人之道也故學其言不可以不行 師之於門人則名之於朋友則字而不名稱之於師雖 其行行其行不可以不重其道重其道不可以不知其 **伆友亦名之子曰吾與回言又曰參乎吾道一以貫之** 大歸也吾所以不協於時而學古文者悅古人之行也 則左思言之矣吾復言之與前文何以異也此造言之 知前後也而足下齒幼而位果而皆名之傳曰吾見其 其二足下之書曰韋君詞楊君潛足下之德與二君未 也孟子曰天下之達尊三曰徳爵年惡得有其一而慢 張曰子夏云何曾子曰堂堂乎張也是朋友字而不名 之道四馬又白晏平仲善與人交子夏曰言游過矣子 鄭兄事子產於齊兄事晏平仲傳曰子謂子產有君子 曰有澹臺減明者行不由徑是稱於師雖朋友亦名驗 驗也子貢曰賜也何敢望回又曰師與商也孰賢子游

針定匹庫全書

竟不先立止以文彩辭句統前捧後是辭愈多而理愈 章句為之兵衛未有主疆盛而輔不飄逸者兵衛不華 以為犯 魚隨龍師來隨湯武騰天階泉横裂天下無不如意苟 赫而莊整者四者高下圖折步驟隨主所指如鳥隨鳳 杜牧答莊克書 書函叙足下之善故敢盡詞以復足下之厚意計必不 與先生並行也竊懼足下不思乃陷于此韋踐之與翱 凡為文以意為主以氣為輔以辭彩

|皆是也古者其身不遇於世寄志於言求言遇於後世 俊世宗師其人而為之詩書春秋左氏已降百家之說 命以為序承當厚意惕息不安復觀自古序其文者皆 遣辭辭不能成意大抵為文之旨如此觀足下所為文 辭愈朴而文愈高意不勝者辭愈華而文愈鄙是意能 亂如入闌闠紛然莫知其誰暮散而已是以意全勝者 不已資以學問則古作者不為難到今以某無可取欲 百餘篇實先意氣而後辭句慕古而尚仁義者茍為之

此固不可也苟有志古人不難到勉之而已 百有誇目况今與足下並生今世欲序足下未已之文 哉故親見揚子雲著書欲取覆醬瓿雄當其時亦未常 |馬遷相如賈誼劉向楊雄之徒斯人也豈求知於當世 皆文也天有六氣地有五行此十一者經緯天地叶和 顏況丈論 神人名之為文其實行也文顏行行顧文文行相顧謂 也自两漢以來富貴者千百自今觀之聲勢光明孰若 周語之略曰孝敬忠信仁義智勇教惠

致定四庫全書 除四凶舉八元周公之文布法于象魏夫子之文木鐸 公夫以伏羲之文造書契黄帝之文垂衣裳重華之文 美之云文王斷虞芮之訟晉文與楚子戰而霸盜曰文 提挈自相謂曰吾黨之小子不可治于君子之庭詩人 **木鳥獸皆樂文王之沼曰靈治文王之臺曰靈臺虞芮** 之為君聰明文思文王既没文不在兹乎文王之代草 之君子之文為龍為光上古云言之無文行之不遠堯 不識文王入文王里所見耕者讓畔行者讓路班白不

建安正始洛下鄴中吟詠風月此其所以亂文也夫以 昌邑吕尚之文殺華士穰苴之文斬莊賈毛遂之文定 文范蔚宗著後漢書其妻不勝珠翠其母唯新樵 铁紂幽厲無文太顛閎夭有文飛廉惡來無文昔霍去 文求士十致八九理亂由之君臣則之堯舜禹湯有文 楚從藺相如之丈奪趙璧西門豹之丈引漳水沈女巫 病辭第日匈奴未滅無以家為於國如此不得謂之無

狗路此其所以理文也伊尹之文放太甲霍光之文廢

光首之地之文五材首之人之文六經首之就六經言 白居易與元九書 夫文尚矣三才各有文天之文三 地風雅亦麗于人是故文不可廢廢文則廢天莫可法也 欽定四庫全書 資始賛坤曰至哉坤元萬物資生唯大者配乾至者配 文哉法天理地象人者也周易赞乾曰大哉乾元萬物 廢天則廢地莫可理也廢地則廢人莫可象也郁郁乎 於家如此不得謂之有文且夫日月麗于天草木麗子 坤幽者賾鬼神明者膭禮樂不失於正謂之文

者聖人知其然因其言經之以六義緣其聲緯之以五 華聲實義上自賢聖下至愚騃微及脈魚幽及鬼神羣 音音有韻義有類韻協則言順言順則聲入類舉則情 飛而氣同形異而情一未有聲入而不應情交而不感 先乎情莫始乎言莫切乎聲莫深乎義詩者根情苗言 詩又首之何者聖人感人心而天下和平感人心者莫 而一氣恭憂樂合而百志熙二帝三王所以直道而行 見情見則感易交於是乎孕大含深貫微洞察上下通 經濟類編

别澤畔之吟歸於怨思傍徨抑鬱不暇及他耳然去詩 首明股肱良之歌則知虞道昌矣聞五子洛汭之歌則 垂拱而理者揭此以為大柄決此以為大寳也故聞元 時六義始刑矣國風變為騷詞五言始於蘇李蘇李騷 人皆不遇者各係其志發而為文故河梁之句止於傷 其心馬洎周衰秦與採詩官廢上不以詩補察時政下 知夏政荒矣言者無罪聞者作戒言者聞者莫不兩盡 不以歌洩導人情乃至于謟諛之風動救失之道缺于

卸炭四库全書

卷五十四

スノこ ちこと ノムー 耳設如北風其凉假風以剌威虐也雨雪霏霏因雪以 已噫風雪花草之物三百篇中豈捨之乎顏所用何如 **義寝微矣陵夷至于梁陳間率不過嘲風雪弄花草而** 之流又狹於此如梁鴻五噫之例者百無一二于時六 之與博多獨于山水以泉明之萬古偏放於田園江鮑 小人則引香草惡鳥為比雖義類不具猶得風人之什 未遠梗縣尚存故興離別則引雙鳧一鴈為喻諷君子 一三馬于時六藝始缺矣晋宋巳還得者葢寮以康樂 經濟額編

不逮矣索其風雅比與十無一馬杜詩最多可傳者千 風之什麗則麗矣吾不知其諷馬故僕所謂嘲風雪 感與詩十五首又詩之豪者稱李杜之作才矣奇矣人 弄花草而已于時六義盡去矣唐興二百年其間詩 然則餘霞散成綺澄江静如練離花先委露別葉乍辭 以樂有子也皆興發于此而義歸于彼反是者可乎哉 不可勝數所可舉者陳子昂有感遇詩三十首鮑防有

赵庆
正
库
全
書

愍征役也常棣之華感華以諷兄弟也米米芣苢美草

言多諭時務每讀書史多求理道始知文章合為時而 降壓書訪人急病僕當此日耀在翰林身是諫官手請 著歌詩合為事而作是時皇帝初即位军府有正人屢 量才力欲扶之自登朝來年齒漸長閉事漸多每與人 者乎僕常痛詩道崩壞忽煩發或食輟哺夜輟寢不 路有凍死骨之句亦不過十三四杜尚如此況不逮杜 撮其新安石濠潼關吏蘆子關花門之章朱門酒內臭 餘首至于貫穿古今觀縷格律盡工盡苦又過于李然

Kan Bind Listin

經濟類編

宿紫閣村詩則握軍要者切齒矣大率如此不可編舉 變色矣聞登樂遊園寄足下詩則執政柄者扼腕矣聞 | 农面脉脉盡不悅矣聞秦中吟則權豪貴近者相目而 聞僕賀雨詩而衆言藉籍已謂非宜矣聞僕哭孔戡詩 而毀已生言未聞而謗已成矣又請為左右終言之凡 一動以酬恩獎塞言責下以復吾平生之志豈圖志未就 言者輛詠歌之欲稍稍跪進聞于上上以廣宸聰副愛 諫紙啓奏之外有可以救濟人病桿補時闕而難于指

金片四月全書

|我非者舉世不過三兩人有鄧魴者見僕詩而喜無何 僕數月來檢討囊裘中得新舊詩各以類分分為卷目 病苦聞于上耶不然何有志于詩者不利若此之甚也 将破壞不可支持耶抑又不知天之意不欲使下人之 如牛僧孺之戒馬乃至骨肉妻奴皆以我為非也其不 欠この De Aram 不相與者號為沽名號為武訐號為弘謗茍相與者則 而魴死有唐衢者見僕詩而泣未幾而衢死其餘則足 下足下叉十年來困躓若此嗚呼豈六義四始之風天 經濟類編

感而形于嘆詠者一百首謂之感傷詩又有五言七言 金灰四月今世 自拾遺來凡所適所感關於美刺與比者又自武德記 長的短句自二韻至百韻者四百餘首謂之雜律詩凡 詩又或退公獨處或移病閒居知足保和吟玩情性者 **元和因事立題題為新樂府者共一百五十首謂之諷** ,十五卷約八百首異時相見當盡致于執事微之古 、云窮則獨善其身達則兼濟天下僕雖不肖當師此 百首謂之間適詩又有事務牽於外情性動于內随 卷五十四

意也故覧僕詩者知僕之道馬其餘雜律詩或誘于 一段兮寒兮奉身而退進退出處何往而不自得哉故僕 則為詩謂之諷諭詩兼濟之志也謂之間通詩獨善之 志在兼濟行在獨善奉而終始之則為道言而發明之 語大丈夫所守者道所待者時時之來也為雲龍為風 飲定四車全書 魄勃然突然陳其力以出時之不來也為霧豹為冥鴻 剱合散之際取其釋恨佐懽今詮次之間未能刪去他 一物發于一笑一吟率然成章非平生所尚但以親 經濟類編

諷諭者意激而言質閒適者思淡而詞迁以質合迁宜 愛重必待身後人始貴之今僕之詩人所愛者悉不過 今人之大情也僕不能速後古舊如近歲幸蘇川歌行 時有為我編集斯文者略之可也夫貴耳賤目榮古陋 雜律詩與長恨歌已下耳時之所重僕之所輕至于其 之體今之東筆者誰能及之然當蘇州在時人亦未其 才麗之外頗近興諷其五言詩又高雅閒淡自成 人之不爱也今所爱者並世而生獨足下耳然千百年 卷五十四

他篇自皇子陂歸昭國里迭吟递唱不絕聲者二十里 春遊城南時與足下馬上相戲因各誦新艷小律不雜 詩相慰同處則以詩相娱知吾罪吾率以詩也如今年 |典足下小通則以詩相戒小窮則以詩相勉索居則以 後安知復無足下者出而知爱我詩哉故自八九年 魔而何偶同人當美景或花時宴罷或月夜酒酣 為詩魔何則勞心靈役聲氣連朝接夕不自知其苦非 餘樊李在傍無所措口知我者以為詩仙不知我者以

大江可西上北西

经济额城

是作周孔之文荀孟之文左右周孔之文也理り理宏 賢相遇其文在於盛徳大業又鮮可得而傳也歌後周 裴度寄李颗書 骸脱蹤跡傲軒門輕人寰者又以此也 金好四月人 於此馬又非仙而何微之微之此吾所以與足下外形 刀其道漸被于天地萬物不可得而傳也夏殷之際聖 公遭變仲尼不當世其文遺於冊府故可得而傳也於 不知老之將至雖緣鸞鶴遊蓬瀛者之通無以加 三五之代上垂拱而無為下不知帝

然皆不說其詞而詞自魔不異其理而理自新若夫典 道昭昭在目司馬遷之文財成之文也馳騁數千載若 謨訓誥文言繁辭國風雅頌經聖人之筆削者則又至 天人其實擅美一時流譽千載者多矣不足為弟道馬 為一家不是正氣實誼之文化成之文也鋪陳帝王之 也雅多自賢頗有狂態相如子雲之文譎諫之文也自 有餘力董仲舒劉向之文通儒之文也發明經術完極 理國理天下一日失之敗亂至矣騷人之文發情之文

KAJO HOL MI dues

經濟類編

遠致一以嬌之則是以文字為意也且文者聖人假之 對儷白屬級風雲羈束聲弱為文之病甚矣故以雄詞 準而請問於弟謂之何哉謂之不可非僕敢言謂之可 常文也其可文而文之何常之有俾後之作者有所裁 或有意随文而可見事随意而可行此所謂文可文非 之猶不及也觀弟近日制作大古常以時世之文多偶 也則大學之道在明明德在止至善矣能止乎若遂過

易也至直也雖大彌天地細入無間而奇言怪語未之

章句隳廢聲韻也人之異在風神之清濁心志之通塞 矣故文之異在氣格之高下思致之深淺不在其磔裂 異也不知其倒之及之之非也雖非小人亦異於君子 道耶與之同形貌共衣服遂思倒置眉目及易冠蒂以 KANDING LILAN 不在於倒置眉目反易冠蒂也庶幾高明少納庸妄若 以達其心達則已理窮則已非故高之下之詳之略之 也愚欲去彼取此則安步而不可及平居而不可諭又 何次遠關經術然後騁其材力哉昔人有見小人之違 經濟類編

霽寂無人聲盖為是也近世詔命唯蘇廷碩叙事之外 追觀之者不厭從兄翰當言文章如千兵萬馬風恬雨 **必有希聲窈眇聽之者悅聞如川流迅激必有洄洑逶** 美勢不可以不息不息則流蕩而忘返亦猶絲竹繁奏 **麗藻如編珠綴玉不得為金璞之實矣鼓氣以勢壯為** 有體斯言盡之矣然氣不可以不貫不貫則雖有英辭 李徳裕文章論 以為未幸不以苦言見革無感 魏文典論稱文以氣為主氣之清濁

多分四周全書

重輕為難語雖甚工肯則未遠大荆壁不能無瑕隋珠 於隻耦故篇無足曲詞寡累句聲諸音樂古辭如金石 益以言妙而工適情不取於音韻意盡而止成篇不拘 而謂靈均以來此秘未觀不亦誣人甚矣古人群高者 之内未可以言文章外意也較其師友則魏文與王陳 應劉討論之矣江南惟於五言為妙故休文長於音韻 不能無類文古高妙豈以音韻為病哉此可以言規矩

自謂文章才實有餘用之不竭沈休文獨以音韻為切

大音也 得之膽而無味琢刻藻繪彌不足貴如彼璞玉磨磐成 常見而光景常新此所以為靈物也余嘗為文箴令載 器香者為之錯以金翠笑質既彫良實斯棄此為文之 於此曰文之為物自然靈氣惚怳而來不思而至抒軸 之為弊也甚矣世有非文章者曰詞不出於風雅思不 琴瑟高於至音今文如絲竹鞞皷迎於促節即知聲律 越於離騷摸寫古人何足貴也余曰譬諸日月雖終古

欽定匹庫全書

其下者耶王右丞韋蘇州澄澹精緻格在其中豈妨於 矣然直致所得以格自奇前軍諸集亦不專工於此知 辨也宜哉詩貫六義則諷諭抑揚渟蓄淵雅皆在其中 其鹹酸之外醇美者有所乏耳彼江嶺之人習之而不 非不鹹也止於鹹而已華之人所以充饑而遽輟者知 南凡是資於適口者若臨非不酸也止於酸而已若鹺 之喻多矣而愚以為辨於味而後可以言詩也江嶺之 司空圖與李生論詩書 文之難而詩之難尤難古今

| 負既久而愈覺缺然然得於早春則有草城侵沙短水 花落夢無惨又夜短猿悲減風和鹊喜靈得於山中則 |道學哉賈閬仙誠有警句視其全篇意思殊餒大抵附 輕著雨消又人家寒食月花影午時天又雨微吟足思 有坡暖冬生筍松凉夏健人又川明虹照雨樹密鳥衝 而不浮遠而不盡然後可以言韻外之致耳愚幻嘗自 於寒溢方可置才亦為體之不備也別其下者哉噫近 人得於江南則有日帯潮聲晚烟和楚色秋又曲塘春

欽定四庫全書

奶油粉丝

石壇幽得於夏景則有地凉清鶴夢林靜肅僧儀得於 大臣の軍を皆 孤螢出荒池落葉穿破屋得於愜適則有客來當意愜 於樂府則有晚粧留拜月春睡更生香得於寂寥則有 舞鶴終早得於郊原則有遠坡春早滲猶有水禽飛得 佛寺則有松日明金像苔龕響木魚又解吟僧亦俗燰 晚饑得於丧亂則有驊騮思故第鸚鵡失佳人又鯨鯢 盡雨方響夜深船得於塞下則有馬色經寒慘鶥聲黃 入海涸魑魅棘林高得於道宫則有基聲花院閉幡影 经渐羰级

後唐秦王從榮喜為詩聚浮華之士高輦等於幕府與 也七言云逃難人多分隙地放生鹿大出寒林又得劔 金岁口是人 又殷勤元日日歌午又明年皆不拘於一槩也盖絶句 更勝添健僕亡書渾似憶良朋又孤嶼池痕春漲滿小 花發遇歌成雖庶幾不濱於淺涸亦未廢作者之譏訶 有難色儻復以全美為上即知味外之吉矣勉旃 之作本於詣極佴終古不能扣我耳足下之詩時單固 欄花韻午晴初又五更惆悵廻孤枕猶自殘燈照落花

次定四車全書 一人 用於時任不足禁於世其毀譽不足輕重氣力不足動 患很侵莫有開之使前者此好學之謙言也修材不足 讀之浩乎若千萬言之多及少定而視馬纔數百言爾 宋歐陽修答吳克秀才書 素習徒取人竊笑汝勿效也 非夫辭豐意雄霈然有不可禦之勢何以至此然猶自 士講經義開益人智思吾見莊宗好為詩將家子文非 相唱和頗自矜伐明宗語之曰吾雖不知書然喜聞儒 前唇示書及文三篇發而

道之於人遠也學者有所獨馬爾盖文之為言難工而 文而已此其所以至之鮮也昔孔子老而歸魯六經之 吾學足矣甚者至葉百事不關於心曰吾文士也職於 其人而問馬者歟夫學者未始不為道而至者鮮馬非 進者也然而惠然見臨若有所責得非急於謀道不擇 華學精文雄其施於時又非待修譽而為重借力而後 人世之欲假譽以為重借力而後進者奚取於修馬先 可喜易欣而自足世之學者往往溺之一有工馬則曰

之克馬雖行乎天地入于淵泉無不之也先單之文浩 學者文而已故用力愈勤而愈不至此足下所謂終日 道未足而强言者也後之恶者徒見前世之文傳以為 首卿盖亦晚而有作若子雲仲淹方勉馬以模言語此 其用功少而能極其至如是也聖人之文雖不可及然 作數年之頃爾然讀易者如無春秋讀書者如無詩何 不出於軒序不能縱橫高下皆如意者道未足也若道 大抵道勝者文不難而自至也故孟子皇皇不服著書

者也成之於言者見諸外者也明諸内者故可以適其 少進馬 止馬孟荀可至而不難也修學道而不至者然幸不甘 乎霈然可謂善矣而又志於為道猶自以為未廣若不 之作也必得之於心而成之於言得之於心者明諸内 孫復答張侗書 於所悅而溺於所止因吾子之能不自止又以勵修之 用見諸外者故可以張其教是故詩書禮樂大易春秋 文者道之用也道者教之本也故文

欽定四庫全書

贙頌箴解銘説之類雖其目甚多同歸於道皆謂之文 安危必皆臨事撫實有感而作為論為議為書疏歌詩 政之大經或則作功利之末術或則楊聖人之聲烈或 |端或則發千古之未寤或則正一時之所失或則陳仁 夾輔聖人而已或則發列聖之微旨或則擿諸子之異 爾斯聖人之文也後人力薄不克其嗣但當左右名教 之文也總而謂之經者以其終於孔子之手尊而異之 則寫下民之憤歎或則陳天人之去就或則述國家之

之事沈謝徐庾妖艷邪哆之言雜乎其中至有盈箱滿 望於斯文也不然則淺且近矣曷可望於斯文哉噫斯 其所得也既深則其所言也必遠既深且遠則庶乎可 潜其心而索其道潜其心而索其道則其所得也必深 污簡冊何所贵哉明遠無志於文則已若有志也必在 也若肆意搆虚無狀而作非丈也乃無用之瞽言爾徒 而起以文章垂世者衆矣然多以楊墨佛老虚無報應 文之難至也久矣自西漢至李唐其間鴻生碩儒齊局

 欽定匹庫全書

登山之神有俞兒者長尺而人物具馬霸王之君與而登 簡冊者乎至於終始仁義不叛不雜者惟董仲舒揚雄 欠かりまという 尺冠冕大人物具馬左袪衣走馬前者管仲曰事必濟臣聞 齊桓公北征孤竹未至卑耳谿中十里闖然而止瞠然 王通韓愈而已 而视有頃奉矢未敢發也喟然嘆曰事其不濟乎有人長 博物九則附 經濟類編 Ŧ

集發而視之無一言及於教化者此非無用瞽言徒污

事車此為大矣使者曰誰為神孔子曰山儿之靈足以紀綱天下 子曰禹致羣臣會稽山防風氏後至禹殺而戮之其骨節 知無形今已有形乃知之是夷吾善承教非聖也 父之聖至如是寡人得罪久矣管仲曰夷吾聞之聖人先 踝從右方渡至滕已渡事果濟齊桓公再拜管仲馬前曰仲 有水也從左方渡行十里果有水曰遼水表之從左方渡至 吳伐越隱會稽得骨專車使使問孔子曰骨何者最大孔 山神見且此人知道之神也走馬前者源也左祛衣者前 · 大三日華全日 ■ 經濟板編 之失也告武王克商通道九夷八蠻使各以其方賄來貢思 一長尺而咫陳侯使問孔子孔子曰隼之來也遠矣此肅慎氏 中尼在陳有隼集於陳侯之庭而死若矢貫之石砮矢 也長者不過十數之極也使者曰善哉聖人也 日防風氏何守孔子曰汪芒氏之君守封嵎之山者其神 者其守為神社稷為公侯山川之祀為諸侯皆屬于王者 謂之大人使者日人長幾何孔子曰僬僥氏三尺短之至 為魔姓在虞夏為防風氏商為汪芒氏於周為長狄氏今

|楚昭王渡江有物大如斗直觸王舟止於舟中昭王大 土之怪羵羊也非狗也桓子曰菩哉 季桓子穿井得土缶中有羊以問孔子言得狗孔子曰 服也故分陳以肅慎氏之矢試求之故府果得馬 封諸陳分同姓以珍玉展親也分別姓以遠方職貢使無忘 以吾所聞非狗乃羊也木之怪變罔兩水之怪龍罔象 令德之致故銘其楷曰肅慎氏貢楷矢以勞大姬配虞胡公西 無忘職業於是肅慎氏貢档矢石砮長尺而咫先王欲昭其

者能獲之此吉祥也其後齊有飛鳥一足來下止于殿前 齊獨以安孔子歸弟子請問孔子曰異哉小兒謠曰楚 急告趣治溝渠天將大雨於是如之天果大雨諸國皆水 起舞今齊獲之亦其應也大盜之後未當不有應隨者 之應也兒又有兩兩相牽屈一足而跳曰天將大雨商羊 王渡江得萍實大如拳赤如日剖而食之美如家此楚 舒翅而跳齊便大怪之又使聘問孔子孔子曰此名商羊 怪之使聘問孔子孔子曰此名萍實令剖而食之惟伯

次是四軍全十

經濟類編

地二人三三三為九九九八十一一主日日數十故人十月而生八 偶氣分不同而几人莫知其情惟達道德者能原本馬天一 主死故死四月而生五九四十五五為音音主猿故猿五月而 九六十三三主斗斗主狗故狗三月而生六九五十四四主時時 子夏問於孔子曰商聞易云生人及萬物鳥獸昆蟲各有奇 生四九三十六六主律律主鹿故鹿六月而生三九二十七 也故聖人非獨守道而已也賭物記也即得其應矣 九七十二偶以承奇主辰辰為月月主馬故馬十二月而生七

|生下者為死邱陵為牡川谷為牝蚌蛤龜珠與月盈虛是故 盡八月而化其餘各從其類矣鳥魚生于陰而屬陽故皆卵生 美比土之人聰羽蟲三百有六十而鳳為之長毛蟲三百有六 商開山書曰地東西為緯南北為經山為積德川為積刑高者為 とれ口 また ときっ 堅土之人剛弱土之人柔 墟土之人大沙土之人細息土 之人 類母敢問其皆然乎孔子曰然吾聞諸老聃亦如子之言也子夏曰 配吞者八竅而卵生此嚼者九竅而胎生日生者類父夜生者 經濟類編

· 上星星主虎故虎七月而生二九一十八八主風風主盤故

六十而龍為之長倮蟲三百有六十而人為之長敢問其 十而麟為之長甲蟲三百有六十而龜為之長麟蟲三百有 生離者孔子曰何以知之囘曰似完山之鳥孔子曰何 音同也孔子出而弟子有吒者問誰也曰囘也孔子曰 皆然乎孔子曰然吾聞諸老聃亦如子之言也 如回曰完山之鳥生四子羽翼已成乃離四海哀鳴送之 孔子晨立堂上聞哭者聲音甚悲孔子援琴而鼓之其 回何為而吃回曰今者有哭者其音甚悲非獨哭死又哭

金分巴五

1 Total

子以葬之將與其别也孔子曰善哉聖人也 事夏商其季世曰唐叔虞當武王邑姜方震太叔夢帝謂 人是因故辰為商星遷實沈于大夏主參唐人是因以服 能也日尋干戈以相征討后帝不臧遷關伯于商邱主辰商 **産曰昔高辛氏有二子伯曰閼伯季曰實沈居于曠林不相** 晉侯有疾鄭伯使公孫僑如晉聘且問疾叔向問馬三東君 為是往而不復逐也孔子使人問哭者哭者曰父死家貧賣 之疾病卜人曰實沈臺駘為粜史莫之知敢問此何神也子

欽定四庫全書 身山川之神則水旱殤疫之災於是乎禁之日月星辰 以處太原帝用嘉之封諸汾川沈如辱黃實守其祀今晉 為晋星由是觀之則實沈麥神也昔金天氏有裔子曰昧 有文在其手曰虞遂以命之及成王滅唐而封太叔馬故參 已余命而子曰虞將與之唐屬諸參而蕃育其子孫及生 之神則雪霜風雨之不時於是乎禁之若君則則亦出入 主汾而滅之矣由是觀之則臺貼汾神也抑此二者不及君 為玄冥師生允格臺貼臺點能業其官宣汾洮障大澤

是二者弗可為也已四姬有省猶可無則必生疾矣权向 姓禮之大司也今君內實有四姬馬其無乃是也乎若由 昏亂百度今無乃壹之則生疾矣僑又聞之內官不及同 子有四時朝以聽政重以訪問夕以修令夜以安身於是 買妾不知其姓則卜之違此二者古之所慎也男女辨 姓其生不殖美先盡矣則相生疾君子是以惡之故志曰 節宣其氣勿使有所壅閉狀底以露其體兹心不爽而 飲食哀樂之事也山川星辰之神又何為馬僑聞之君 於是有煩手滋聲临堙心耳 乃忘平和君子弗 聽也物亦如 祐公曰女不可近乎對曰節之先王之樂所以節百事也故 近女室疾如蟲非鬼非食感以丧志良臣將死天命 賄之晉侯求醫於秦秦伯使醫和視之曰疾不可為也是謂 問鄭故馬且問子哲對曰其與幾何無禮而好废人怙富 口善哉肸未之関也此皆然矣权向出行人揮送之权向 有五節遲速本末以相及中聲以降五降之後不容彈矣 而早其上弗能久矣晉侯聞子産之言曰博物君子也重

一銀定四庫全書

卷五十四1

えこうう いたす 也非以惱心也天有六氣降生五味發為五色徵為五聲 闕可謂良矣和聞之國之大臣榮其寵禄任其大節有 臣對曰主是謂矣主相晉國於今八年晉國無亂諸侯無 淫惑疾明淫心疾女陽物而晦時淫則生內熱感蠱之 谣生六疾六氣曰陰陽風雨晦明也分為四時序為五節 之至於煩乃舍也已無以生疾君子之近琴瑟以儀節 疾今君不節不時能無及此乎出告趙孟趙孟曰誰當良 則為苗陰淫寒疾陽淫熱疾風淫未疾雨淫腹疾晦 短滑额

菑禍興而無改馬必受其咎今君至於淫以生疾將不能 晉張華家無餘財惟有文史溢于几篋當徒居載書 圖恤社稷祸孰大馬主不能禦吾是以云也趙孟曰 何 亦為盤在周易女惑男風落山謂之盤皆同物也趙 下奇秘世所希有悉在華所由是博物洽聞世無與比 口良醫也厚其禮而歸之 **調盤對曰淫溺惡亂之所生也於文四蟲為盤穀之飛** 來秘書監擊虞撰定官書皆資華之本以取正馬

銀定四庫全書

必有異既而五色光起機還問鮮主果云園中茅積下 とこう 見による 問華華曰可取蜀中桐材刻為魚形扣之則鳴矣於是 果有她既馬吳都臨平岸崩出一石鼓槌之無聲帝以 甚密其中忽有雉雊華曰此必她化為雉也開視雉便 華發器便曰此龍肉也衆未之信華曰試以苦酒濯之 **鬼毛也出則天下亂矣陸機當的華鮓于時賓客滿座** 白魚質狀殊常以作能過美故以相獻武庫封閉

惠帝中人有得鳥毛三丈以示華華見燦然曰此謂海

與因問日在何郡與日在豫章豐城華日欲屈君為零 相者言吾出六十位登三事當得寶劒佩之斯言豈致 煩宿屏人曰可共尋天文知将來吉凶因登樓仰觀煥 吳平之後紫氣愈明華聞豫章人雷煥妙達緯象乃要 氣道術者皆以吳方强風未可圖也惟華以為不然及 日僕察之久矣惟斗牛之間頗有異氣華曰是何祥也 如其言果聲聞數里初吳之未滅也斗牛之間當有紫 曰實劒之精上徹于天耳華曰君言得之吾少時有

多安匹属全書

客共尋之可乎與許之華大喜即補與為豐城令與到 欠三日軍在野 物終當化去不永為人服也華得剱寶愛之常置坐側 朝將亂張公當受其禍此劒當繫係君墓樹耳靈異之 水置剱其上视之者精芷炫目遣使送一剱并土與華 馬煥以南昌西山北嚴下土以抵劒光芒艶發大盆風 縣掘獄屋基入地四丈餘得一 剱並刻題一曰龍泉一曰太阿其夕斗牛間氣不復見 一自佩或謂煥曰得兩送一張公豈可欺乎煥曰本 經濟類編 一石函光氣非常中有雙

將也莫邪何復不至雖然天生神物終當合耳因以華 華之博物多此類不可詳載馬 **繁有文章沒者懼而及須史光彩照水沒浪驚沸於是** 出墮水使人没水取之不見劍但見兩龍各長數文蟠 煥卒子華為州從事持劒行經延平津劍忽於腰間躍 陰土一斤致煥煥更以拭劒倍益精明華誅失劒所在 華以南昌土不如華陰赤土報與書曰詳觀劒文乃干 失劒華嘆曰先君化去之言張公終合之論此其驗乎

金云四周台書

為瑕獻之雖有父風殊非新巧觀其字勢陳瘦如隆冬 盡善或有所疑至於布織濃分跡密霞舒雲卷無所間 晋書王羲之傳論 然但其體則古而不今字則長而逾制語其大量以此 足可觀末代去朴歸華舒牋點翰爭相誇尚競其工批 A. Marel Jason 乎鍾王以降略可言馬鍾雖擅美一時亦為廻絕論其 伯英臨池之妙無復餘蹤師宜懸帳之竒罕有遺跡逮 書と則 書契之與肇乎中古絕文鳥跡不 然所類編

少乎觀其點曳之工裁成之妙煙霏露結狀若斷而還 過其實所以詳察古令研精篆素盡善盡美其惟王逸 **飲無半分之骨以兹播美非其滥名邪此數子者皆譽** |氣行行若榮春蚓字字如館秋蛇卧王蒙于紙中坐徐 偃于筆下雖禿千忠之翰聚無一毫之筋窮萬穀之皮 墨之病數子雲近世擅名江表然懂得成書無丈夫之 枯樹覽其筆蹤拘束若嚴家之餓隷其枯樹也雖樣桥 多次四月有量 而無屈伸其餓肆也則羈贏而不放縱兼斯二者故翰

上在下為下象形者日滿月虧效其形也形聲者以類 轉注老者是也六日假借令長是也夫指事者在上 |衛恒四體書勢序| 昔在黄帝創制造物有沮誦蒼詢 其端心菜手追此人而已其餘區區之類何足論哉 月是也三日形聲江河是也四日會意武信是也五日 者始作書契以代結絕蓋覩鳥跡以與思也因而遂滋 連鳳為龍蟠勢如斜而反正點之不覺為後覽之莫識 則謂之字有六義馬一曰指事上下是也二曰象形日 經濟频編 が

科斗之名遂效其形太康元年汲縣人盗發魏襄王塚 以示淳而淳不别至正始中立三字石經轉失淳法因 之魏初傳古文者出於邯鄲淳恒祖敬侯寫淳尚書後 時人以不復知有古文謂之科斗書漢世祕藏希得見 黄帝至三代其文不改及秦用篆書焚焼先典而古文 絕矣漢武時魯恭王壞孔子宅得尚書春秋論語孝經 為形配以聲也會意者止戈為武人言為信也轉注者 以老為考也假借者數言同字其聲雖異文意一也自

多定四库全書

得策書十餘萬言案敬侯所書猶有髣髴古書亦有點 **宣王時史福始著大篆十五篇或與古同或與古異世** 種其一卷論楚事者最為工妙恒竊説之故竭愚思以 今胡母敬作博學篇皆取史權大篆或頗省改所謂小 字乖形秦始皇帝初兼天下丞相李斯乃奏益之罷不 賛其美愧不足廁前賢之作異以存古人之象馬昔問 合秦文者斯作蒼頡篇中車府令趙高作爰歷篇太史 謂之縮書者也及平王東遷諸侯力政家殊國異而文 うい ノント 短索類編

諸山及銅人銘皆斯書也漢建初中扶風曹喜少異于 書為正以為體例最可得而論也秦時李斯號為二家 符四日蟲書五日夢印六日署書七日父書八日禄書 |篆者自秦埭古文有八體一曰大篆二曰小篆三曰刻 曰篆書秦篆書也四曰佐書即隷書也五曰繆篆所以 曰古文孔氏壁中書也二曰奇字即古文而異者也三 王莽時使司空甄豐校文字部改定古文復有六書一

郵定四庫全書

|方寸千言甚矜其能或時不持錢詣酒家飲因書其壁 帝好書時多能者而師宜官為最大則一字徑丈小則 署用篆隸書者篆之捷也上谷王次仲始作楷法至霊 成即今隸人佐書曰隸字漢因行之獨符印璽幡信題 形然精密問理不如淳也春既用篆奏事繁多篆字難 也太和中誕為武都太守以能書留補侍中魏氏寳器 銘題皆談書也漢末又有蔡邕采斯喜之法為古今雜

斯而亦稱善邯鄲淳師馬略完其妙韋談師淳而不及

欽定四庫全書 之於劉徳升而鍾氏少異然亦各有巧今大行於世漢 淳鵠不同然亦有名魏初有鍾胡二家為行書法俱學 得次仲法然鵠之用筆 盡其勢矣漢末有左子邑小 與 選部尚書宜官鵠宜為大字邯鄲淳宜為小字鵠謂淳 鵠乃益為版而飲之酒候其醉而竊其柎鵠卒以書至 在觀者以訓酒討錢足而滅之每書輛削而焚其桁梁 作篇後有崔瑗崔寔亦皆稱工杜氏殺字甚安而書體 興而有草書不知作者姓名至章帝時齊相杜度號善

鼠弹赛点

盡黑下筆必為楷則號念念不暇草書寸紙不見遺至 弟子有名於世然殊不及文舒也羅叔景趙元嗣者與 英叉有姜孟頳梁孔達田彦和及韋仲將之徒皆伯英 今世尤寶其書章仲將謂之草聖伯英弟文舒者次伯 轉精甚巧凡家之衣帛必書而後練之臨池學書池水 微瘦崔氏甚得筆勢而結字小陳弘農張伯英者因而 稱上比崔仲不足下方羅趙有餘河問張起亦有名然 伯英並時見稱於西州而於巧自與衆頗感之故英自

字勢 **|卉苯尊以垂頡山嶽崖栽而連岡蟲跂跂以若動鳥似** 一欽定四庫全書 文乃耀粲矣其章因聲會意類物有方日處君而盈其 真偽靡分大晋開元宏道敷訓天垂其象地耀其文其 戾大道既冺古文亦滅魏文好古世傳邱墳歷代莫發 萬事垂法立制帝典用宣質文著世爰暨暴秦滔天作 度月執臣而虧其旁雲委鮑而上布星離離以舒光禾 雖與崔氏同州不如伯英之得其法也 黄帝之史沮誦倉頡眺彼鳥跡始作書契紀綱

之範先稱篆盖其子孫棣草乃其會玄都物象以致思 清波漪漣就而察之有若自然信黄唐之遺迹為六藝 柳若流蘇懸羽靡靡縣縣是故遠而望之若翔風厲水 墜于天或引筆奮力若鴻鴈高飛遊遊翩翩或縱肆阿 間或守正循檢矩折規旋或方圓靡則因事制權其曲 非言辭之所宣 如弓其直如弦矯然特出若龍騰于川森爾下頹若雨 飛而未揚觀其錯筆綴墨用心精專勢和體均發止無

隷勢 炫奇姿譎詭不可勝原研桑所不能計室賜所不能言 宇增雲冠山遠而望之若飛龍在天近而察之心亂目 若鐘箴設張庭燎飛煙嶄巖巇嵯高下屬連似宗臺重 髮随事從宜靡有常制或官隆恢廓或櫛比鍼列或砥 副異體同勢奮筆輕舉離而不絕纖波濃點錯落其間 平絕直或蛋蛋膠戾或長邪角趣或規旋矩折修短相 既宏體象有度煥若星陳鬱若雲布其大徑尋細不容 鳥跡之變乃惟佐隷蠲彼繁文崇此簡易厥用

一欽定匹庫全書

抄者邪趣不方不圓若行若飛段跂翱翾遠而望之象 激鷹時鳥震延頸脅翼勢似凌雲或輕舉內投微本濃 長短複身頹若黍稷之垂頡藴若蟲蛇之棼縕楊波振 為真形要妙巧入神或龜文鍼列棒比龍鱗紓體放尾 蔡邕篆勢 之不傳聊俯仰而詳觀舉大較而論旃 えん ラーレンニラ 末若絕若連似露緣綠垂凝下端從者如懸衡者如編 何草篆之足算而斯文之未宣豈體大之難觀將秘奧 鳥遺跡皇頡循聖作則制斯文體有六篆 经渐频编

一好灾四库全書 崔瑗草書勢 章爰暨末葉典籍彌繁時之多僻政之多權官事荒蕪 斌其可觀鳩華艷於紈素為學藝之範先喜文徳之宏 揖譲而辭巧籀誦拱手而韜翰處篇籍之首目粲粲斌 勦其墨翰惟作佐隷舊字是刪草書之法盖又簡略應 懿愠作者之莫刋思字體之頫仰舉大略而論旃 鴻鵠羣遊絡繹遷延廹而察之端際不可得見指偽不 ,勝原研桑不能數其詰屈離婁不能覩其隙間般倕 書契之興始自頡皇寫彼鳥跡以定文

古式觀其法象俯仰有儀方不中矩圓不副規抑左揚 移機微要妙臨時從宜略率大較髣髴若斯 是故遠而望之階馬若沮岑朔崖就而察之一 收勢餘艇糾結若杜伯捷毒緣峨螣地赴穴頭没尾垂 或凌邃惴慄若據槁臨危旁點邪附似蜩螗揭枝絕筆 或點點點狀似連珠絕而不離畜怒怫鬱放逸生奇 右望之若崎竦企鳥跱志在飛移狡獸暴駭將奔未馳 時諭指用於卒與兼功弁用愛日省力純儉之變豈必 Cr. Mint Kilin 經濟類編 畫不可

書者非獨足下簿之僕固亦簿之矣世之有好學其書 |虞柳不過一藝已之所學乃尭舜周孔之道不必善書 也務乎記事而因物取類為其象故周禮六藝有六書 君子之所務乎然至於書則不可無法古之始有文字 而悅之者與當飲茗閱圖畫無異但其性之一解耳豈 宋歐陽修與石推官書 足下謂世之善書者能鍾王 之學其點畫曲直皆有其說楊子曰斷木為暴抗華為 因僕之言欲勉學之者此皆非也夫所謂鍾王虞柳之

多定四月全書

大小DDIE LIAMS 世可乎不可也則書雖末事而當從常法不可以為怪 以飯實酒危而食曰我行堯舜周孔之道者以此之於 此甚不可也譬如設饌於案加帽於首正襟而坐然後 直者為斜以其方者為國而曰我第行尭舜周孔之道 為隷者非聖人不足師法然其點畫曲直猶有准則如 鞠亦皆有法馬而况書乎今雖隷字已變於古而變古 食者此世人常耳若其納足於帽及衣而衣坐乎案上 母女往往之相近易之則亂而不可請矣令足下以其 經濟類編 **入**

者之不如今也是則仲尼一言不敢遺天下之後生足 待天下無君子之與已同也仲尼曰後生可畏安知來 書之善否但患乎近怪自異以惡後生也若果不能又 亦猶是矣而足下了不省僕之意凡僕之所陳者非論 安知世無明誠篤厚君子之不為乎足下自以為異是 有獨異於世者以疾釋老斥文章之雕刻者此又大不 何必學僕豈區區勸足下以學書者乎足下又云我實 可也夫釋老感者之所為雕刻丈章薄者之所為足下

金月四月五十

道當爾不足恃以為賢也 **顧愷之善丹青圖寫特妙謝安深重之以為有蒼生以** 不為釋老與不雕刻文章者譬如為吏而不受貨財蓋 下一言待天下以無君子此故所謂大不可也夫士之 畫一則附

次至四華在

堵中當院一隣女挑之弗從乃圖其形於壁以棘針釘

經濟類編

故答曰四體妍姓本無闕少於妙處傳神寫照正在阿

來未之有也愷之每畫人成或數年不點目睛人問其

愈愷之每重嵇康四言詩因為之圖恒云手揮五粧易 月豈不美乎仲堪乃從之 明府正為眼耳若明點瞳子飛白拂上使如輕雲之 其心女遂患心痛愷之因致其情女從之遂器去針而 送歸鴻難每寫起人形妙絕於時當圖裝楷象頰 經濟類編卷五十四 |邱壑中欲圖殷仲堪仲堪有目病固辭愷之曰 覺神明殊勝又為謝紀家在石嚴裏云此 卷五十四